

# საქართველო

სურათებიანი ლამაზება

ბაზეთის № 35


ლაშაბების № 7

პვირა, 14 თებერვალი, 1916 წ.

შიო მღვიმელის 30 წლის მოღვაწეობის გამო



გ. რუხაძე, ჯ. ჯორჯიკია, შიო, ი. მეუნარგია, ეკალაძე, იას. ნიკოლაიშვილი.



შიო მღვიმელი.



შიო მღვიმელი, ია ეკალაძე, დავით კლდიაშვილი.



შიო.

## კ ა ფ ი ა

(გუძლენი შიო მღვიმელს)

მცირე რამ შემონაწირი\*)  
მიიღე თავის ძმისგანა,—  
მეც შენებრ გული მიტირის,  
დაჩაგრული ვარ ძმისგანა.

ასწავლე ბავშვებს ბავშურად  
ჰანგები გულზე მწლომია,—  
ტრფიალი ბუნებისადმი,—  
მამა-პაპური ომია.

ბავშვთ გულის მესაიდუმლევ  
ჰშრომობ მღვიმეში ჩუმადა;  
ბავშვების ჭირი და ლხენა  
გულს მიგაჩნია წყლულადა.

მე როდი მომეწონება  
სიტყვა ნათქვამი უმადა,  
იმიტომ გკოცნი პირშია,  
გაღმოგებევეი ძმურადა!

გაუა-ფშაველა.

1909 წ.

\*) თეთრ ტარიანი ძელის კალამი  
მომიტანა ჩემს დღეობაში, შიოობას.  
შიო მღვიმელი.





შიო მღვიმელი და გიორგი ქუჩიშვილი



ი. ევლოშვილი, ბაჩანა, თ. რაზიკაშვილი, შიო, ალ. რაზიკაშვილი, ვაჟა-ფშაველა და ვაჟა-ფშაველას შვილი ლევან.

\*

\*\*

შუა ღამეა. მთლად სევდად ვიქეც,  
დაქანცულ თვალებს არ მოსდით ძილი;  
რა ჭირი დასძლევს ჩემს სიყარყუმეს,  
როცა მკვნესარე წინ მიწევს შვილი!

ცას და ქვეყანას ვანგრევ ყვედრებით:  
ნეტავ რად? რისთვის დამიმახინჯეთ?  
თუ არა გჯერათ, უღვთო ჯალათნო,  
მოდით, ნახევით, მოდით, გასინჯეთ!

ალარც თქვენია და ალარც ჩემი,  
ბრას არგია ქვეყანას დღეს ის...  
ვინ უწყის, ღმერთო, ჩემს ბედში მყოფი  
რამდენი ჩივის, რამდენი კვნესის!—

შიო მღვიმელი.

### ბარათი

შიო მღვიმელს.

გამარჯობა ჩემო შიო,  
ჩემო გულის საყვარელო,  
ყვავილების იაღონო,  
სილამაზის მგალობელო!

გავიგე, რომ ქართველობა  
თურმე გიხდის დღესასწაულს;—  
მადლი ღმერთსა, დღეს თუ მაინც  
მიჰხედნენ თავის დანაშაულს.

ოჰ, რა მინდა, რომ შენს ზეიმს  
მეც დავესწრო, სულის სწორო  
და შენს სახეს, ნავაგლახებს,  
ბავშვურ გრძნობით ვეამბორო.

ია ქართველიშვილი.

### კათილ მეგობარს შიოს

მეგობარო, დღეს მე მინდა ციურ ენით გეკამათო,  
დღეს მე მინდა, სიყვარულით გეალერსო და გაგართო,  
მსურს ხასხასა ვარსკვლავები გაგიშალო ფიანდაზად,  
რომ სხივების ტახტრევანზე იგალობო ტკბილად, ნახად!  
მსურს, ოცნებით ტყის ფერია, ტყის ჯურღმულით დავიბარო,  
შენს მსახურად, რომ მარადის შვებით იყო, მეგობარო!  
მსურს შორეულ პარნასიდან აპოლონი მოვიყვანო,  
რომ შეგამკოს ღირსეულად, ერის გულის სათაყვანო.  
იცი, შიო?—შენზე უკეთ ვერვინ მღერის, ვერვინ გალობს,  
შენს მღერაში სიყვარული, სიხარული თრთის, ნარნარობს,  
მომავალს რომ ლოცვა ესმის, მომავალი რომ ნეტარებს,  
—ეს შენა ხარ, შენა რეკავ საიდუმლო აღთქმის ზარებს.  
იცი, შიო?—ყვავილები ველზე კრძალვით თავს რომ ჰხრიან,  
შენი ჰანგით მოხიბლულნი შენ გამკობენ, შენ გეტრფიან.  
ზეციერი მიწიერსა შენზე მიტომ ეცილება,  
რომ ყოველსა შენი კილო ვით დედის რძე ეტკბილება.  
აჰა, ნახე, დღეს ზეიმი გაუმართავთ ხუჭუჭ ბავშვებს,  
დღეს უფალი შენს ბაღში ანგელოზებს ათამაშებს,  
და უნდათ, რომ ძვირფასს შიოს სიყვარულის მოციქულსა,  
ტურფა შუბლი დაუდაფნონ, შეაჯიბრონ გაზაფხულსა.  
მაშ დაჰკარი, დაჰკა სიმებს, ნეტარებით დადნეს გული,  
რომ მთა და ველს მოეფინოს შენი კილო სიყვარული.  
დღეს ლხინია ცის და მიწის, დღეს ოცნება სხივს აკვესებს,—  
ოცნებისა სამოთხეში შენ ჰბატონობ დიად ღმერთებს.  
ნუ იტირებ, თუ ცხოვრება ნაღველს გასმევს, შხამს გაწვეთებს,  
უკვდავების მოციქულსა, უკვდავება შეგიერთებს!..

დარია ახვლედიანისა.



ღეის ქალი (გუნბიდან)  
ნახატი ხალილ ბეგ მუსხავეისა.





აზრუმის ერთერთი ქუჩა.



აზრუმის გმირები.

### გზაგასი დაღოვანი

ოსმალურიდან გადმოკეთებული  
ზღაპარი\*)

ცოტა ხნის ლოდინის შემდეგ თურ-ფასიც ცხენით მივიდა იმ ორ ქვასთან, ჩამოხტა ცხენიდან და ერთ ქვიდან მეორეზე დაიწყო თავის ხლა იქამდის, ვიდრე მთელ ტანს კარგად დაიყუდა. ბოლოს გონება მიხდილი, საკაცეში დასდეს, და შინ წაიღეს. ბიჭიც სახლამდის გაჰყვა, ნახა, მართლა მკურნალები გარშემოხვევიან და ყველა მათგანი წამალს ამზადებდა, საბრალო თურფასი-კი უგრძობლად იყო; ბიჭი დაბრუნდა თავისას. ერთი თვის შემდეგ გაიგო, რომ კარგად გამხდარიყო თურფასი, მივიდა, სალამი მისცა, მიულოცა, უამბო იმასთან მისვლის მიზეზი და დაუწყო ვერება, დაწვრილებით ეამბნა თავგადასავალი და გაენთავისუფლებინა ამდენი ტანჯვები-საგან.

— ეი, შვილო! უთხრა თურფასმა: რახან შენ ამდენი შეწუხება გინახავს მრავალ ქალაქში ყოფილხარ, დიდი ზგა გამოგივლია, შენი შიზნის მისახწევად, შეგიბრალე და ჩემს მწუხარე ამბავს გიამბობ, რომ იმათაც თავიანთი მწუხარება და ამბავი გიამბონ. (არ დაივიწყოთ, ფარისეველი რომ ამ მოთხრობას ამბობდა, ხელმწიფე, ვეზირი, თექანამი და მწყემსი დედოფალი სმენად იყვნენ გადაქცეულნი).

თურფას ვაჭრის თავგადასავალი. დამიგდე, შვილო, ყურიო, — უთხრა

\*) იხ. სურათ. დამატება. № 6.

თურფასმა: ჩემს ახალგაზღობას, ორმოც და ხუთი წლის წინად, კარგი მეომარი ვაჟ-კაცი ვიყავი, ჩვენ მეფეს სხვა მეფესთან ომი მოუხდა, სხვა ჯარისკაცებთან ერთად მეც წაველ საომრად. წასვლის დროს სამი თვის ჯვარდაწერილი ვიყავ; დედ-მამა არა მყოლია და ახალგაზდა პატარძალი დავსტოვე ღვთისა და ნათესავეების ანაბარას. ჩვენი მტერი ძლიერი გამოდგა და გვძლია. ზოგი ჩვენგანი დაიხოცა ომში, ზოგიც ტყვედ წაასხეს; ამ უკანასკნელებში მოვეყ მეც. ოცი წლის ტყვეობის შემდეგ დავბრუნდი სამშობლოში. შებინდებული იყო და ვინახე ახალგაზდა, ოცის წლის ვაჟ-კაცი, მაღალი და კარგად ჩასხმული ტანისა, სუფთად ტანთსაცმელში გამოწყობილი, ხელში სავსე ბაღდადი ეკავა და ჩემ სახლის კარს აკაკუნებდა. ჩემმა ცოლმა კარი გაუღო და სახლში შეიყვანა. მე ბანიდან ზვერა დაეუწყე. ამან ძალიან გამაკვირვა. ვფიქრობდი: ნეტავი ვინ არის ეს კაცი მეტქი? ნუ თუ ჩემს ცოლს სხვა ქმარი შეურთავს? ცოტა ხანს შემდეგ ისინი დასხდნენ, სვეს, სჭამეს, და ორნივე ერთ განიერ ლოგინში ჩაწვენენ.

გუნებაში გარდავწყვიტე ორივე მომეკლა. ასეც მოვიქეცი. შუა ღამისას შევიპარე შინ, ორივე მძინარენი დავხოცე. უცებ მომესმა ჩემი ცოლის ხმა: „ოჰ შე უწყალო! შე უღმერთოვ! რად დაანთხიე ჩვენი უდანაშაულო სისხლი? რა გინდოდა ჩვენგან? რა დაგიშავეთ? ერთი ჩვენგანი დედა იყო, მეორე შვილიო“.

ელდა მეცა და გულწასული ძირს დავეარდი. როცა გონს მოველ, ვთქვი:

„ეს რა უბედურება ჩავიდინე მეტქი? დილაზე მეზობლებისაგან გავიგე, რომ ჩემს ცოლს ვაჟი შვილი ჰყოლოდა, გაეზარდა კიდევ და ერთად სიყვარულით სცხოვრობდნენ თურმე.“

ბევრი ტირილისა და გლოვის შემდეგ იმათი გვამები იმ ორ წოწოლა ქვებს ქვეშ დავმარხე, ის ქვებიც წინად მაქვს იქ აყუდებული. როცა ვაჭრობიდან დავბრუნდები და მივალ იმათ საფლავთან, თვალწინ წარმომიდგება ხოლმე ის საშინელი სურათი, რის შემქნელი და მოწამე ვარ! რახან ეს საზიზღარი საქმე ჩავიდინე, ამიტომ კანონად დავიდე, ქვას ვახალო ხოლმე თავი, რომ ამით მოვიწინაო ჩემი ის საშინელი და უმაგალითო ცოდვაო, — სთქვა ვაჭარმა და დაათავა თავის თავგადასავალი.

ბიჭმა დიდი მადლობა გადაუხადა, ბოლოს გამოემშვიდობა და დაბრუნდა კახლაკ ქალაქში. მოსარეცხესთან მივიდა, და ნახა, რომ ის კიდევ წინანდელივით: „აგერ მოვიდა, აგერ მოვიდაო“ გაიძახოდა, კოშკზე ადიოდ-ჩამოდიოდა. საღამოზე როცა მესარეცხე დუქნის დაკეტვას შეუდგა, ბიჭი მივიდა და სალამი მისცა; იმანაც მოულოცა მშვიდობით დაბრუნება, ბოლოს ბიჭმა დაწვრილებით უამბო მოსარეცხეს თურფას ვაჭრის თავგადასავალი. როცა შარბერმა მოისმინა უთხრა ბიჭსა.

— ეი, შვილო! რახან თურფას ვაჭარს თავის მწუხარება და თავგადასავალი დაწვრილებით უთქვამს, მეც დაწვრილებით გიამბობ ჩემ თავ-გარდასავალსაო.

ერთ ღამეს, ამ ოთახში რომ მეძინა, უცებ ვილაცამ ხელი წამკრა და გამომაღვიძა, თვლები გავახილე და ვნახე, ერთი ანგელოზის მსგავსი ქალი იდგა ჩემ წინ და მითხრა:

— ადექ, უკან მიხედეო. წამოვდექ და მივიხედე იქით, საითაც მიჩვენა ანგელოზმა, ვნახე კედელი აღარ ჩანდა, მის ნაცვლად ერთი მშვენიერი ბალი იყო ფერად-ფერად ტურფა ყვავილებით და საუცხოვო ნაყოფებით. ბაღს აშუქებდა საკვირველი და რაღაც გასაოცარი სინათლე. ქალმა ხელი მომკიდა, შემიყვანა ამ სუნნელოვან ბაღში და მითხრა:

— აქ, ჩვენ ორმოცი დანი ვართ, ორმოცივე ქალწულნი. ამ ბაღში საუცხოვო სრები და საუცხოვო შენობები დგას, შიგ ოთახებიც მშვენიერადაა მორთული, ეს ყოველივე და თვით ჩვენც ამას იქით შენ გიკუთვნით; აქ ვერც ღამეს ნახავ, ვერც მწუხარებას, ვერც მოწყენას, ვერც სიკვდილს იხილავ და უკუნითი უკუნისამდე იქნები ახალგაზდად. მხოლოდ სამ მცნებას დაგიდებთ, თუ დაიხსომებ და ასარულე ამ მცნებებს, სამუდამოდ დარჩები ჩვენთან; აი მცნებებიც შემდეგია:

- 1) ღვთის საქმეში ნუ გაერევი.
- 2) ნურც ჩვენს საქმეში გაერევი.
- 3) სუფრაზე მოტანილ პურს და საჭმელს წუნს ნუ დასდებო.

თუ ეს სამი მცნება არ დაგისომებია და არ აგისრულებია, იცოდე, საიდანაც მოგიყვანე, იქვე წახვალო, როცა იმის სიტყვებს თანხმობა გამოვუცხადე, მაშინ ყველანი მომეგებნენ



ტყვე ოსმალოები.



ჰასანკალე. გუბერნატორის დანგრეულ ბინის წინ.



ერთგულობა და სიყვარული გამომი-  
ცხადეს. ვცხოვრობდით ტკბილად და  
უზრუნველყოფილნი ვიყავით; ვატა-  
რებდით დროს ღვინოში. ერთი იმა-  
განი ძლიერ მიყვარდა, რომლისგანაც  
შემეძინა ორი შვილი, მსგავსნი მზისა  
და მთვარისა. სადილს შემდეგ იმათ-  
თან ერთად ჩავიდოდი ბაღში გასა-  
ლელად. ერთი ტანისამოსი რომ გამე-  
ხადა, იმას მეორედ აღარ ჩავივამდი,  
მწუხარება-ნაღველი არავითარი მქო-  
ნია.

ერთ დღეს, როცა სადილი გავათა-  
ვეთ, უცებ ცა მოიღრუბლა და ხან-  
გრძლივი წვიმა დაიწყო, გული შემე-  
წუხდა, დავიწყე ღვინის გმობა და  
გსტკივ:

— ოჰ, ღმერთო! ასე დიდხანს წვი-  
მა რა უბედურება არის მეთქი.

ამ დროს ჩემმა წამყვანმა ქალმა  
მითხრა:

— უმთავრესი მცნება უკვე დაარ-  
ღვიე, შემდეგებსაც გაუფრთხილდიო.

— ვაი მე, ეს რა მომივიდა, რომ  
ღვინის საქმეში გავერიე; დანარჩენ  
ორ მცნებას მაინც ნულარ დავივიწყებ  
მეთქი. შემდეგ ამისა ერთ დღეს სა-  
დილად ვისხედით, სუფრაზედ ძლიერ  
ბევრი პური დააწყეს, მე გაკვირვებით  
ვიკითხე:

— ეს ამოდენა პური რა საჭიროა  
სუფრაზე რომ დაგიწყვიათ მეთქი?

— ერთი მცნება კიდევ დაარღვიე,  
გახსოვდეს ერთი მცნება ლა დაგრ-  
ჩაო.

ეს უკანასკნელი მცნება მაინც და-  
ვიმახსოვრო და არ გავსტეხო მეთქი,  
შაგრამ ამაოდ.

ერთ დღეს ვნახე, ჩემს საყვარელს  
უსუსური ყმაწვილი ხელოთ აეყვანა,  
ბაღში ვარდის ბუჩქებს ახლო დადიო-  
და, თითონაც ისეთი წმინდა კაბა  
ეცვა, რომ ხახვის ფურცელი იმაზე  
ბევრად სქელი გეჩვენებოდა: გავლა-  
გამოვლაში კაბის კალთები ვარდის  
ტკლებს ეღებოდა და ივლიჯებოდა.

ეს რომ ვნახე, ვეღარ მოვიტინე და  
უთხარი:

— ჩემო კარგო! ნუ თუ არ გენან-  
ბა ეგ კაბა? ეს სიტყვა ესტევი თუ  
არა ჩემმა წამყვანმა ქალმა მითხრა:

— ოჰ, შარბერ! შარბერ! მესამე  
მცნებაც გასტეხე, რადგან ჩვენ საქმე-  
შიაც გავერიეო. ამ დროს უცებ ჩემი  
თავი ძველ ალაგას ვნახე, მივიხედე,  
ჩემთან აღარავინ იყო, მაშინ კი ბევრი  
ვინანე, ბევრი ვიეც თავში, მაგრამ  
რალას უშველიდი.

ცხოვრება და დიდება დავკარგე;  
ამას ვსტირი და კვლავ უნდა ვიტი-  
რო სიკვდილამდის, რადგან რა დამა-  
ვიწყებს იმ სანატრელ დღეებს. ახლა

ამ ვაებას მიემატა კიდევ ერთი სხვა  
უბედურება და დაბრკოლება: როცა  
თაბახს დავსდგამ და ხელში სარეცხს  
ავიღებ ხოლმე დასარეცხად, მშვე-  
ნიერი ჩემი საყვარელი, ჩემი მზის მსგა-  
ვისი შვილი ხელში აყვანილი გადმო-  
დგება ხოლმე, ჩემ პირდაპირ კოშკ-  
ზე და ვიძახი: „ავერ მოვიდა, ავერ  
მოვიდაო“.

ყმაწვილმა რომ მოისმინა შემდეგ  
ბრმა მოხუცთან წამოვიდა და იმა-  
ნაც უამბო თავისი თავგადასავალი.

„მე 40 ჯორი მყავდაო. გზაში ერთი  
კაცი შემხვდა და მითხრა: ორმოცი  
საპანე მაქვს წასაღები და წაიღეო.  
მეც დავთანხმდი. მივედით ერთ გამო-

ქვაბულში. ვნახეთ, ორმოცი საპანე  
ოქრო აპკიდა ჯორებს. ხელში ერთი  
შუშა ეჭირა. ვფიქრობდი ეს რაღა  
იქნება-მეთქი. ვკითხე რა არის მეთქი;  
მან არ მითხრა. ჩხუბის მიზუზი მიმეცა  
მინდოდა ოქრო წამერთმია: მოკვლა  
დავუპირე. კაცმა მითხრა: ნუ მომკლავ-  
ამ შუშაში ერთნაირი სითხეა, თუ  
თვალეზე წაისვამ, ყველაფერს დაი-  
ნახამო. სიხარბემ დამძლია. წავისვი  
თვალეზე და დავბრმავდი. ოქროც  
დავკარგე და ჩემი ჯორებიც. მას შემ-  
დეგ ვმათხოვრობ და რასაც ვმოუ-  
ლობ სილის გამრტყემელს ვაძლევო.


(შემდეგი იქნება)

ალ. იაკ. ახალციხელი.



ძველთაგანვე განთქმულია ბურიდანის ვირი,  
თივა-ქერის არჩევანში გაჰხმობია ცხვირი,  
ვერც იქ მისწვდა, ვერც აქ მოსწვდა, დარჩა ანაყვირი!  
(ძველი არაკი.)

ბრძენო მარჯვნივ, ბრძენო მარცხნივ  
ბრძენო ასიკუკუო;  
თქვენისთანა სოციალისტს  
თვალში ასი კუკუო.  
(აკაკისებური.)



კიტამ სთქვა: „ნეტამც შავი ქვა დიდი ხნით დაიხუროსა!  
ჩვენ ჯამაგირი ავილოთ, ნიადაგ დაგვაპუროსა,  
ჩვენგან ნაბეკდმა გაზეთმა ყველანი „შეახუროსა“,

—საქმე არ ჰქონდეს ხუროსა დაჯდეს და არახუნოსა!



მილოვი. მახლას!  
„ვაი რა კარგი საჩინო,  
რა ავად მიმიჩინესო!  
„დამადეს ფეხზე ბორკილი  
ციხეში გამაჩინესო!